

Kuwa Mkristo ni Kufanana na Kristo

Ni nani atakayepanda katika mlima wa BWANA? Ni nani atakaye simama katika patakatifu pake? Mtu aliye na mikono safi na moyo mwenye, asiyeiinua nafsi yake kwa ubatili, wala bakuapa kwa hila. Zaburi 24:3, 4.

Kuwa Mkristo ni nini? Ni kuwa kama Kristo; ni kufanya matendo ya Kristo. Wapo ambao hushindwa katika jambo moja na wengine katika jambo lingine. Wengine si wavumilivu kwa asili. Shetani anaelewa udhaifu wao na anaweza kuwashinda mara kwa mara. Lakini asiwepo wa kukatishwa tamaa na hali hiyo. Wakati wowote maudhi na majaribu yanapoinuka, muombe Mungu kimya kimya akupe nguvu na neema kuchukuliana nayo kwa subira. Kuna nguvu katika ukimya; usitamke neno lolote kabla hujapeleka maombi yako kwa Mungu wa mbinguni. Kama utafanya daima, muda si mrefu utaweza kuishinda tabia yako ya hasira za haraka na utakuwa na mbingu ndogo hapa duniani huku ukiwa unaielekea mbingu kuu.

Mungu anawataka watu Wake kusafisha mikono yao na kutakasa mioyo yao. Je, kwa kufanya hivi watakosa furaha? Je, itawaletea huzuni katika familia zao ikiwa watakuwa wema na wenye subira, wenye adabu na uvumilivu? Si kweli. Wema wanaonesha kwa familia zao utarudishwa kwao wenyewe. Hili ni jukumu linalopaswa kufanyika majumbani. Kama wanafamilia hawajajiandaa kuishi kwa amani hapa duniani, basi hawako tayari kuishi katika familia itakayokutana kuzunguka kiti cha enzi, kikubwa, cheupe. Dhambi siku zote huleta giza na utumwa; lakini matendo mema yataleta amani na furaha takatifu...Katika siku ya mateso, wakati adui akitushinikiza, tutatembea katikati ya malaika. Watakuwa kama ukuta wa moto kutuzunguka; na siku moja tutatembea pamoja nao katika mji wa Mungu...

Haujawahi kuwepo wakati ambao watu wa Mungu wanapaswa kuwa na hitaji kubwa la kudai ahadi Zake kuliko sasa. Hebu mkono wa imani upite gizani na kushikilia kwa nguvu mkono wenye nguvu isiyo na ukomo. Wakati tunazungumzia umuhimu wa kuachana na dhambi, kumbuka kuwa Kristo alikuja ulimwenguni kuwaokoa wadhambi, kwamba “aweza kuwaokoa kabisa wao wamjiao Mungu kwa Yeye.” Tunayo fadhila kuamini kwamba damu yake inaweza kutusafisha mbali na kila doa na uchafu wa dhambi. Hatupaswi kuiwekea mipaka nguvu ya Mtakatifu wa Israeli. Anatutaka tumjije kama tulivyo, wadhambi na wachafu. Damu Yake ina nguvu.

Ninawasihi msimuhuzunishe Roho Wake kwa kudumu dhambini. Kama ukianguka katika jaribu, usife moyo. Ahadi hii inatujia hata sisi wa wakati huu: “Na kama mtu akitenda dhambi tunaye Mwombezi kwa Baba, Yesu Kristo Mwenye haki.” Ninahisi kuwa kwa sababu ya ahadi hii moja wimbo wa shukrani kutoka vinywani mwa wanadamu haupaswi kukoma. Hebu na tukusanye vito hivi vya thamani vya ahadi, na pale shetani anapotushtaki kuhusu dhambi zetu na kutujaribu ili tutilie mashaka uweza wa Mungu wa kuokoa, hebu na turudie maneno ya Kristo “Wala yeyote ajaye kwangu sitamtupa nje kamwe” (**Historical Sketches, 157, 158**)